

# Kontraktor B-putera diingat Ubah sikap untuk lebih maju — S. Vellu

PETALING JAYA, Isnin — Kontraktor Bumiputera hari ini digesa jangan berpuashati dengan kelas "F", yang menerima kontrak-kontrak tidak lebih daripada \$35,000.

Gesaan tersebut dibuat oleh Menteri Kerjaya dan Kemudahan Awam, Datuk S. Samy Vellu, ketika diminta mengulas mengenai skim menggabungkan kontraktor Bumiputera kelas 'B' dan 'BX' dan kelas-kelas tertentu bagi mengendalikan projek besar bernilai berjuta-juta ringgit.

Bellau menegaskan, kontraktor Bumiputera boleh mempertingkatkan kelasnya untuk memenuhi kehendak

pembangunan yang sedang berjalan. Katanya, beliau telah menyaksikan sendiri beberapa projek yang dikendalikan oleh kontraktor Bumiputera di Melaka yang didapati sungguh memuaskan.

## Galakan

Bellau berkata: "Projek-projek tersebut dijalankan dengan teratur dan mampu mengendalikan pentadbirannya."

Menurutnya, ada kontraktor Bumiputera yang berupaya meningkatkan taraf mereka ke tempat yang mereka layak.

Bellau menyatakan pihaknya akan meningkatkan kelas satu kontraktor Bumiputera dari kelas B ke kelas dan dua dari kelas BX ke kelas X. di Melaka.

Kementeriannya, tambah beliau, kini memerhati secara dekat keglatan kontraktor Bumiputera dan memberi segala galakan yang perlu kepada mereka.

Bellau menyeru supaya para kontraktor Bumiputera mengambil peluang yang ada bagi meningkatkan diri untuk memenuhi permintaan dalam Rancangan Malaysia Keempat (RME).

Katanya, dalam RME berjuta-juta ringgit tugas terdapat dalam industri infrastruktur dan binaan dan negara memerlukan lebih banyak kontraktor.

## Peruntukan

Sementara itu, ketika merasmikan Kursus Pengawasan dan Pengawasan Projek Infrastruktur dan Projek Berpadu, di INTAN, di sini, hari ini, beliau menyatakan Kerajaan menyediakan peruntukan-peruntukan perbelanjaan yang sepenuhnya bagi pelaksanaan projek-projek bagi faedah rakyat.

Bellau memberitahu segala projek pembangunan seperti sekolah-sekolah dan hospital-hospital dan seumpamanya perlulah disiapkan pada masa yang dijadualkan agar tidak menghampak rakyat.

Datuk Samy Vellu berkata: "Oleh itu, pengurus atau penyelia patutlah mempunyai sikap yang positif menggunakan daya usaha sendiri untuk menyelesaikan sebarang masalah khususnya di peringkat pelaksanaan.

Untuk mencapai objektif itu, beliau mengesyorkan:

- Perlunya berdedikasi dan bertanggungjawab supaya semua tugas yang diserahkan terlaksana.
- Kepentingan negara hendaklah diletakkan di atas segala kepentingan yang lain — kepentingan diri dan profesional.
- Meningkatkan diri melalui usaha sendiri dengan cara banyak membaca atau bertukar-tukar pendapat dengan pegawai-pegawai lain.

Bahan asal dari Arkib  
Negara Malaysia